







常熟縣志卷之八

邑人鄧韞撰次



邑人循吏志

吏受天子之民而爲司牧其政善者其民懷而史之傳循吏代可數十人則民牧之瘼職多矣常熟士之出牧而有賢名前後相望蓋君子學道則愛人其諸吏之方也歟作循吏志

宋



錢佃字仲耕弱冠入太學登紹興十五年進士第調嚴州分水尉池  
除諸王宮教授遷大宗太子尹臨安擇僚案佃  
擢吏部郎中對便殿言  
左右司檢正兼吏兵工三部侍郎出爲江西路轉運副使時盜賴  
調兵討之佃餽餉不乏  
西奏蠲諸郡之逋民深德  
正起武陵朝廷  
便福建再使江  
之歌舞于道發

州飢闕守帝曰錢某可郡荐飢禱雨鬢髮  
爲白勸分移粟所活口七十餘萬政甲一  
路朱文公熹時爲倉使與陳亮書稱其治  
績云婺人得錢守比之他郡事體殊不同  
佃忠信恭寬根於天性臨政不求赫赫聲  
以字民爲先務所至得民家不取盈捐索  
裝買田合族名曰義莊卒年六十二終於  
中奉大夫秘閣脩撰有易解十卷詞科類  
要二十卷文集二十卷誠齋楊文節萬里



誌其墓

國朝

殷瓚字廷璧以進士知建德縣縣居山中民儉陋瓚治以不煩除民所疾苦興學養士躬爲之勸導平其賦役民得盡力於生事舊尚闖訐至是鮮以訟言者以最遷岳州府同知未幾遷臨江府知府政事精絕治譽常首列郡瓚所蒞民輒請上官願留以治比去又相與泣而送之守官以廉至無

恒產以業云

陳易字一元邑之文村人父喆見儒林易治學患無資與家人躬習勞事手抄默記殆忘寢食以詩領鄉薦居國學同舍共就之資請謁選得建昌府推官其父有書名居官一覽易遵行之謹于庶獄民有胡萬八者以怨殺其叔事秘久不決易廉得之胡託其親官清要者請免易執不從竟抵于法廣昌獲劫盜誣引五十餘人郡將鍛成



皆抵死易行縣察其寃辨于上官破械縱之去富民饒某病且死時其子留京師饒以貲囑僕需其子歸日授之諸子求分貲僕不從會有舊蒼頭逸于外者歸爲盜僕夜逐之使蒼頭誣僕與謀且賄縣吏殺僕易調知狀僕乃得直廣昌歲仍旱民失業聚爲盜官捕擊之不能止易遣人入賊中以色線縫其衣盜潛入城驗其衣輒得之盜驚以爲神易言於上官曰盜之弗靖困

于歲也使民得食則亂可弭矣於是請行屬邑發倉以賑民多全濟盜皆散去易母老而賢手製紡織具遺官中家人治布以資費郡守聞而賢之以爲內法上官交稱其治行予以上考遷黃州府同知職清戎籍易蒞事寬明使人得以其情自實行隱下無筭清浪衛以總司命致禮幣與文來勞易受其文而歸幣鄰郡有劇盜久不即平憲司委易招之盜聞其治行棄仗來降



遇水旱禱多應廣昌有虎患易移文于神  
逐虎焚其穴舉火之夕雪深三尺虎遁去  
嘗述職于朝吏部王尚書恕迎謂之曰  
若非爲建昌而有清節者乎第其治爲諸  
郡首將擢用之易以母老力請致仕王高  
其志嘆息久之爲言

上并予其父母妻所應得

恩命易性稟醇慤

動以名檢自持母病思肉不能進易感之  
終身不御肉於諸弟情意敦至更相飭勵

期底于成母嘗愛幼弟易晚推田廬以授  
之宗屬有待易而衣食喪葬婚嫁皆爲之  
經紀不自知其力之不足也家儀準之司  
馬朱氏可以習行鄉之人有化之者縣令  
楊子器不輕下士獨重易數造其廬嘗嘆  
其質行年七十卒有柘菴集既卒之數年  
郡守提學御史表其名行祀下學之鄉賢  
子俸通譜學有士行後易卒

邑人廉吏志



廉固士大夫之一節然欲激頑以立治則潔  
介之士固賢於衆矣夫是道也有力可代耕  
寧矯厲以崇譽者焉是可能也性本堅白仕  
不懷祿以義自安窮餓之死而不悔不可能  
也邑有是人焉作廉吏志

國朝

魚侃字希直城東人舉進士任刑部主事轉  
員外郎進郎中以清嚴稱部長舉往清河  
總督漕運清河多淺漲常梗漕舟侃奏置

淺鋪夫時加䟽濬運遂通撩淺置卒自侃  
議始陞知開封府斷決明允請托不行吏  
民畏服人謂其治可繼包孝肅公家幸揭  
其名于柱䟽其下曰廉母亡家人往計不  
敢遽告侃覺之長號以出即日束裝行不  
持官府一物致仕歸貧無以爲資或日罷  
炊所居敝壞病臥雨溜濕床簣侃寒衾蓋  
單薄家人愠見呼之曰開封守亦有今日  
耶侃之姻王蘭謁選得黑鹽井提舉侃謂



其職司鮮清譽為功名累盍自解其職蘭  
曰君能為庶吏其獨不能自拔乎蘭後果  
舉職進官同知夔府侃數稱之侃守禮有  
家法生辰客持酒往壽之其婿王韶方居  
喪以素服往客止之俾易服侃遙見之執  
婿手詫於衆曰此真吾婿也是日飲盡歡  
侃之請歸吏部奏加其階以三品獎其廉  
退其行治多有世不傳鄉人至今但以廉  
吏稱

### 邑人孝義志

民行重於孝義敦行衆者其俗厚也常熟前  
志所載其事多偉烈有人所難能而不可繼  
者豈非理義素明臨變而不敢有其軀歟  
國家詔書下郡國舉至行率由里生所薦而  
賢者常蔽於無力幅楮一上監臨省曹不能  
異也然其人安可謂無得於公議者故今志  
之續凡前事所收有覈之以示重後事所益  
有擇之以示謹名義所在其安敢誣哉作孝



孝義志

唐

龔景才字敦禮五世同居以孝義稱麟德九年旌表其門

宋

周容父伯拾母朱氏容早失怙事母至孝為人所稱為縣從事嘗有事於頂山得數粟附歸以奉母妻匿之以他粟進他日母出之以食容容心疑焉遂詬譴其妻容尤好

為義舉既卒邑人相與祀之

元

朱良吉支塘人延祐乙卯冬母錢病危鬪胃肉煮粥以進母啜之而病愈良吉心痛不能起邑人俞浩齋者聞而過其家觀其瘡僅五寸氣騰出俞為納其心以桑白皮線縫之不逾月而愈

國朝

徐植字元芳縣人父彥達掌鄉賦徃于元季



弊政賦入後期法當刑植時年二十八赴  
所司自陳引為已罪所司不能奪遂從其  
請臨刑有詩曰父母恩同日月高願將一  
死報劬勞三盃白酒濃如鴉七尺青絲利  
似刀風送斷魂歸故里月移枯骨葬荒郊  
遙知親族偏憐我淚灑西風濕布袍邑人  
王廷珪為作孝子傳

錢迪甦之子少有至性洪武初父坐事當刑  
迪慨然詣闕求以身代

上許之死時年甫十八甦得老而終從子完感  
其孝為特祠于家

沈良字性本甫十八歲時母疾篤醫藥罔效  
良禱于天乞以身代遂剔肝雜羹中以進  
母食之病尋愈

張遵字孟循父文德痼疾弗瘳遵告于天剔  
肝雜羹中以進父病尋愈

葛潤字孟寬幼失恃怙鞠於祖母陳氏既長  
事陳孝敬陳病劇潤剔肝肉和粥以進遂



得瘥縣令楊子器聞而召視之動容稱嘆  
爲具奏請旌表禮部議不可旣沒子器爲  
具其喪葬蠲其家役表其墓

宋

陳字字伯愛古靈先生諸孫其先自吳興徙  
常熟以父蔭補莆田尉得劇賊當霑賞字  
愀然曰吾不藉人命以階仕進卒辭之調  
紹興府司法隆興中改知富陽縣差行在  
權貨務知房州歸卒年六十一字天性孝  
友居母喪鬚髮盡白撫愛諸弟食必同案  
祿俸不入私室

國朝

殷庸家貧以治梳爲業凡得新味必奉母隣  
巷社飲殺核皆不敢食必携以歸奉焉冬  
溫夏靖人擬之黃香母患滯下穢汚必親  
除滌他孝行多類此

陳壽字仲器父母亡廬于墓六年目失明一  
夕夢白衣老人治之旣覺而目復明有僧



見白龍見於其墓木士林有詩詠其異

瞿興嗣字華卿沙溪人母某氏患癰癩潰當  
長夏臭穢不可近興嗣躬洗滌執扇祛蚊  
蚋靡晝夜既而又懼氣疾百藥不治興嗣  
剗股肉作羹以進母不食已五日忽啖之  
疾愈母又思芟時芟始花興嗣凡川有芟  
者輒解衣入覓之俄得三芟人以為精誠  
所感宅心仁厚遇單窶者必賑給之有王  
氏貧臥疾無食鷄初為興嗣往其門以錢

投隙而去民有告糴者鷄衣自結興嗣受  
其直佯忘其所湏倍其直與之歲大歉來  
相依數十人興嗣擇旁近舍居之會癘氣  
作病者相枕興嗣每晨躬携粥藥撫視卒  
賴以全興嗣朝出道拾遺囊悉歸主者某  
人勢家奴因失主物畏懼欲自盡興嗣為  
之代償謝曰某微命公所賜也

陳貞字子固洪武初母沈患心痛垂革貞剗  
股雜羹中以進母食而甦越三日痛復作



貞欲剔心再進母覺謂貞曰汝誠篤孝若爾我心益痛止之是夜沈夢土神周孝子授以紫蘇飲服之愈人以為孝感云

周源字尚本性純篤有孝行母病久不瘥源割股以食母母疾尋愈源博學能文詞年八十餘卒

元

趙良藻字順卿宋宗室裔靖康初六世祖士嚴扈蹕南渡寓於金華再世祖崇驥以雲

安軍使仕吳遂家常熟良藻性純孝父必鑛為海州節推歿於官值宋季道路多梗良藻奉母備經患難卒以柩歸元大德間東土大飢良藻以米二千二百石助賑延祐間又飢復助以四百三十七石里中有飢寒者周以粟帛死無殮者給以棺木有司上其事都省旌其門

徐德賢字孟明漁梁人博學通春秋雅尚禮避亂客于蘇城尤行喪禮以勵俗性好義



常以睦俗調鄉為急隱居不仕張士誠有  
吳欲仕之不往所交多名士有靜庵集

國朝

黃鉞字叔揚邑城人祖明德縣學賓鉞有異  
資家貧苦無書日游市肆借覽輒記不忘  
洪武中以庠生除宜章縣典史舉湖廣鄉  
試明年舉進士授刑科給事中陞戶科左  
給事中以父喪歸時

太宗文皇帝入靖內難蘇州守姚善起兵赴

國字  
仲濶字

國善故典鉞善以書招之鉞請畢其喪既  
而善為許千戶者所縛被戮鉞初不食後  
稍食報至乃具冠服赴琴川橋入水死焉  
蔣欽字子脩邑城人父綺別有傳欽少警敏  
事通博治書學精詣諸儒箋解悉淹記於  
史學尤專也居鄉校端攝有儀不與佻生  
狎提學御史王鑑之最愛之每稱其文以  
勵多士弘治乙卯舉于鄉明年丙辰舉進  
士有司刻其文筮仕衛輝府推官欽治獄



惟視法監司多以訟委之其所治無駁異者以薦召為南京山西道監察御史每欲以政業問大臣有物望者欽亦疏其失衆推其直正德初諸璫怙寵恣橫朝士側目欽與其僚二三人及給諫並疏論之逮諸言者於獄杖于朝欽不勝死之

武宗皇帝他日惜其忠為下卹典 贈光祿寺

少卿後又錄其子于國學

唐天恩字堯仁脩軀癯疎坐立必張拱拳應

天鄉試久之詣銓得河南葉縣令有吏能其治常有餘力時盜起河朔趙璉者橫行河南天恩增城塹池繕器械賊知有備引去是歲十月劇盜劉七徒黨尤盛抵城下攻圍甚急天恩嬰城以守二十餘日外無強援城遂陷賊執天恩及其父政懸於縣庭叢射殺之天恩庶母任氏二妹皆遇害妻錢氏子詩臥亂屍下得脫巡按御史李元以天恩死事聞



武宗毅皇帝憫其一門死難

詔特贈光祿寺

少卿 賜祭錄其子為國

子生今縣令馮

汝弼為建專祠以祀之

程式字以則舉進士授南京

職方司主事遷

北京刑部員外郎詳于治

獄經其論者以

為平正統己巳虜大入檻

奸挾

主親征式扈從我師潰于土木

大駕蒙塵式

預死難以衣冠歸葬常熟

景泰中 詔加

贈其官天順改元錄其子

入冑監式所著

有兵政十策葩經衍義

蘇金字用之嘗賃一舟出篷下獲布囊一中

皆金銀噐藏舟以俟失者至悉還之夜有

盜踰墻足躡假山石仆不能去金覺與錢

一千俾事生理盜感愧卒為善

蔣安字仁伯洪武間其弟懋以累戍開平安

時為邑庠生去巾幘詣御史泣曰懋幼弱

不任戍且老母所鍾愛請以安往御史許

之



張巽字公遜洪武間兄公讓坐事謫戍貴州  
歿于戍所有司檄取戶丁補伍父命弟公  
豫往巽曰弟幼弱宜留以侍親且遠戍勤  
親之憂吾當徃父不得已遣之鄉人皆予  
其義

李壽字景仁洪武中御史藍勝臨縣羅織無  
辜入重法株連百餘家闔境騷然無敢訴  
壽愍之為詣闕陳狀

上即遣御史張定來理出之勝被誅壽自是足

不至城年八十三而歿

吳琳字潤夫幼有至性事親以孝聞舉于鄉  
授東平州學正轉霸州學順天鄉試聘為  
考官所取多名士陞汀州府學教授念母  
老解官歸養與弟瑄最友愛出入居處必  
與俱瑄亦修謹善事琳鄉人並稱之

李粟字翼寬李市人家饒於資粟獨不以家  
為意力學異科名有敏思舉筆數百言以  
貢入京師鄰有蜀人陳清者以倉使秩滿



留京邸緣闖殺坐大辟當刑其子寵年十  
四請代父死繫獄粟憐之爲之營救費白  
金三百餘兩 朝廷嘉 寵孝併赦之粟未  
嘗以爲德厥後清補崑 山縣丞俄以疾告  
歸願以女侍粟粟曰以 財濟人而入其子  
女非人也固却之資其 行復求縉紳詩文  
彰寵之孝刻之以傳題 曰榮孝集粟後舉  
順天鄉貢擢處州府通 判廉直有爲資價  
老無以爲生日以詩寄 懷多不存藁

周彬字近德木之弟周氏名有世德彬器識  
蚤成成化丁酉舉于鄉累試禮部不集癸  
丑再上留京師忽感寒疾卒其兄以例請  
于吏部授順天府通州州判初彬之家居  
兄父仕于外調家資以佐官費父旣老且  
多疾彬順其意欲以爲養彬兄弟於起居  
侍膳之節有常禮鄉人誦而慕之所居逼  
縣治營別墅於城北有山池亭館之勝日  
御親輿以往父嘗遭橫侮訟于官連歲不



解必申其怨乃已木官于南都歲往省之  
至則以學爲講二弟幼撫之皆有立與人  
有意氣持操鯁挺不順時爲上下其鄉譽  
甚著有王恩者夜嘗遇劫盜于途中盜掠  
其資異其貌問姓氏王詭曰吾常熟周某  
也盜驚曰吾聞周某名甚熟歸其所掠而  
去卒年四十有三子光宙

陳播字中定性稟完粹敏悟過人父宏以耆  
儒老邑中播師其學不經他授領應天府

薦上禮闈不第以母老應教官選得慈谿  
縣學教諭慈士三百餘人播損益學法度  
士可守日以治心養性爲勉簡易懇至士  
皆悅服邑令重播時訪以事播盡誠匡益  
多見納鄉人褚圻爲其郡守與播有契誼  
播旅見未嘗爲私謁守重之數通問但以  
函牘叙謝其辭受必度於義議論可否必  
依於正家貧事繼母生母孝敬無間弟抗  
長尤未知檢播温言警誘安之以家費其



資殆盡播知而不問弟後悔革故習播敏  
於文援筆輒盈紙議論平實不事怪奇所  
著甚富年五十三卒于魚臺

季儒字席珍文村人弱冠負遠志謂功名可  
立取視世齷齪澁忍賤之如土芥提學婁  
御史謙閣其文以爲語工如夙鍛久滯於  
科試意氣不少沮願好言民所疾苦每撰  
長書白于當路巡撫張都御史鳳行縣儒  
以邑災傷陳于前都御史聽有厭志稍引

却儒升堂挽其裾請畢其說縣官旁視皆  
失色儒自若也歲歉縣督逋甚急儒與令  
辨于府官令怒面發頰詆爲狂生府官曰  
此志士柰何詆爲狂明日特召慰讓之吏  
有兇殘藉貨怒輒殺人縣獄淹繫常滿則  
繫于庭

數日皆死至聯舟載屍以出

鄒御史滂居南

臺欲治之  
吾豈爲一不肖吏而



明監司 乃以實告御史嘆曰此之謂

國人皆曰可殺者儒居族有 從叔躍與

儒試于學甚儒 補廩矣念三老白之御

史請先廩其叔御也義之 兄家

多賞儒貧無所賴兄有外侮儒以身赴之

雖犯難不避朋友有以窮歸儒儒經紀之

盡力每讀史至忠義事必感憤泣下其師

薛 尊大章每詣儒喜言劉安世陳東事儒平

常接 操物始始如恐傷拱揖柔聲口無俗語

退然如懦夫年五十餘有司將負之以疾卒

儒好高確古文詞傲趙益順行書小字殊

佳也

居璠字永美縣之許浦人性醇朴自其四世

未嘗析爨璠尤有義問

國朝

陳劉妻錢氏

季益妻李氏

陳守恒妻陸氏



吳本妻林氏

陳復妻鄒氏

吳克存妻陳氏

王允仁妻莊氏

錢景豫妻徐氏

錢宗時妻包氏

郁蒙謹妻陸氏

蔡克溫妻凌氏

徐元亮妻曹氏

錢景暘妻鄒氏

顧希秀妻胡氏

朱亮妻陳氏

蕭綸妻顧氏

朱鉉妾葉氏

聞武妻顧氏

韋秦妻張氏

郁汝濟妻戴氏

凡二十人皆以節事聞于朝

詔旌表

其門

劉士達妻張氏

戈廷輝妻鄒氏



李敬妻徐氏

殷興益妻陸氏

程廷珮妻吳氏

陳宣妻桑氏

曹信妻項氏

錢靜學妻陸氏

葉凱妻桑氏

言景容妻高氏

錢叔元妻徐氏

姚振玉妻陸氏

桑瓊妻程氏

徐德輝妻陳氏

朱伯昂妻蔡氏

劉熙妻高氏

顧淮妻陳氏

程景先妻瞿氏

蔣信妻顧氏

秦彥中妻王氏



何敬妻陳氏

褚聰妻錢氏

嚴文昌妻王氏

徐繼善妻夏氏

姚鏞妻戴氏

朱杲妻蔡氏

王尚質妻葉氏

唐霖妻朱氏

蔣勸妻徐氏

金伯雍妻蔣氏

徐斌妻盧氏

張鏐妻朱氏

劉宝妻許氏

沈常妻劉氏

周聲妻楊氏

章本妻孫氏

徐完妻劉氏

丁森妻徐氏



凡三十八人皆守節以壽終未預 旌典

元

丘氏名端一礪之後家東始贅花林齊億億  
早亡丘守節靡他元季淮兵寇吳下突入  
丘氏其父遇害端一不得脫盜見其姿美  
欲污之端一大罵不辱遂被殺

國朝

布政使夏怒妻鄭氏金之妹怒為四川布政  
抵重法鄭沒身為某指揮家婢主欲以為

妾義不從至出金玉錦綺以誘之鄭曰此  
吾素所服御者主強之再乃曰吾尚書夫  
人必擇日行禮至期則截其耳主驚啓  
蜀府命從其願遂為尼以終身

黃迪妻蘇氏諱妙真父子茂贅迪為婿踰二  
年生子聰週歲而迪卒婦時年二十二將  
歛之夕自縊屍傍家人馳救不死伏枕慟  
咽水漿不入口者三日服除里人  
欲娶之婦聞以刀斷一指以示志



復教言終身不御華飭不預燕集  
勤苦績以自給年二十七而終

王永妻張氏年二十五夫沒張舅姑憐其少  
欲嫁之張乃掩戶自縊家人奔救止之乃  
剪髮斷指以示信年八十四而卒

朱珙妻張氏年十八夫亡兄憐其幼寡誘其  
歸將改嫁龔姓者要諸途張聞之適隣舟  
自尾歸扶老嫗附舟得達於朱引針刺傷  
右目以示志龔誣訟於縣令唐侯得其實  
治龔而議舉將以事聞于

上以年未及而止

高通妻鄧氏諱妙春年二十二而夫亡遺腹  
五月生子鼎家貧無恃妙春姪洪歲資給  
之先是遇姑病劇嘗割股以進病尋瘳操  
行完粹鼎舉鄉貢欲上母節妙春力止之  
壽八十三而終鄉邑稱為節孝云

陸茂妻錢氏邑之劍城農家女也嫁同邑陸  
茂有婦道夫年二十二患癆瘵病家貧婦



紡績以給一日夫謂曰我病不起矣死後  
汝歸父母家他適可也婦泣而誓不事二  
姓歲餘夫病篤婦從母求得斗粟負之以  
還則其夫已死婦哭之甚哀具甌飯盂羹  
祭畢遂自縊於夫傍實宣德乙卯三月六  
日也

錢珍妻顧氏諱淑清元季張氏之亂游兵剽  
掠舉家逃難時珍先妻邵遺一子名友安  
顧生子名虎俱在襁褓欲負與俱力不能  
將乃謂夫曰胤子不可失當棄吾兒乃棄  
虎于強家灣抱友安入江陰城七日兵退  
而歸鄉里咸稱其賢方之魯義姑云淑清  
後生二子友仁友義皆成年八十四而終  
學士黃淮誌其墓

如臯縣婦盧氏失其夫名氏夫以役累渡江  
逃入常熟居于邑之白茆市中盧與女並  
有姿色居常並以禮容自攝市懸張島等  
見悅之島世兇險橫于一方所禍人於死



無筭其黨倚之爲惡島時得幸于太倉兵  
備李副使 捕某以刑酷鍛之使承爲亡  
命劫盜李以某無贓證却不受於是乃沉  
之于海中島等歸議以盧爲妾以女歸黨  
盧時宿于外舍知將汚已夜向晨家人婦  
入炊盧隨婦入厨中藏一刀以出與女泣  
女先受刃盧繼自刃倉皇收二屍焚之埋  
于圃中他日巡按陳御史 廉得會邑  
人陳其事御史捕島等至鞠之一問有引

伏初盧三人之就害其事甚秘後事露人  
以爲御史之明亦有天道云

凡九人皆以節孝烈行聞已載于舊志盧  
氏母女之節尤偉故特表著于左

### 邑人篤行志

士有不爵而隆者謂其有長厚之德也此由  
性得行成不容強矯有

國之初常熟民習淳厚故老尤能言之其最可  
稱者一人時以爲尤古之士也作篤行志



徐訥字敏叔博學有高行累世聚居輯古今  
同居者爲集刻行之又取袁氏世範浦江  
鄭氏遺範爲家規旦夕男女長幼聚一室  
以飲食每晨列於堂下鳴鼓述訓警勵之  
已乃升堂叙攝題于楹曰永遵家訓不聽  
婦言人有善必獎勵以成之有過必爲之  
覆掩有田百頃躬課僮奴以耕察其勞苦  
未嘗加以詈讓夜大雨水暴漲壞防其僕  
某獨往視水當缺處以身障之亟呼衆塞

之及明僕從田間歸訥慰勞其至曰汝有  
士人之心豈可久役於我乎斥田百餘畝  
以業之使居於旁舍不復待以僕隸家量  
出入無二每歲歉必捐粟以賑當雨雪輒  
使人問貧乏者施之賔賢好士常若不及  
布衣大帶食無加味其言動行皆有繩矩  
與人語必依於忠信孝友君子以爲有萬  
石君之行按部憲臣守令皆禮重之詢以  
民務卒年七十一號南溪翁子恪自有傳



邑人儒林志

自丹陽公北學魯中得聖學之傳載之而南  
士漸被教澤宜代興起於儒而常熟近代道  
術之士靡有登於史錄者豈非學者安卑近  
競浮末而不得聞道之要乎昔孔子以儒告  
衰公可謂盛矣故今輒以見聞以補志之所  
闕大抵折衷衆說羽翼聖經玩心理究成一  
家言宜以儒歸之彼記問該洽經業專攻學  
者嘗推之矣竊以爲可附於其人作儒林志

宋

陸綰字權叔本名絳字伯厚慶安鎮人登呂  
溱榜進士第學過理道本聖心著書因經  
以救宿儒之弊嘗提舉江淮茶稅充淮南  
路制置發運司運鹽公事終朝奉郎尚書  
職方郎中贈中散大夫嘗推先疇捐俸以  
賑族鄉人重其義有春秋新鮮三十卷易  
學有雜說未成書工賦詩蘇明允嘗贈詩  
其篤學好文於諸經有造詣



陳起宗字興祖少入上庠連冠多士文譽甚  
聳一日歸省囑同舍生投試卷起宗治書  
禮記同舍忌之輒易以周禮迫試乃告之  
起宗即以周禮試復第一登政和五年進  
士第年三十七以徽猷閣學士知并州卒  
起宗工詩瀟灑有陶謝風

錢俟字廷碩一字惟大弱冠舉於鄉考官徐  
良能見其文義淵永意必老儒以為選首  
及開卷大驚異之繼補太學生登紹興二

十一年進士第授泰州教官除太學正  
容學省歛以靜晦人莫窺其際除宗正  
簿太府寺丞宗正丞知袁州除秘書丞  
作佐郎遷將作少監除福建路提舉終  
請郎年六十俟平生少嗜好沉冥書史  
書數千餘卷皆手自讎校朱墨精謹於  
無所不讀尤精於易有文集五卷諸經  
解十卷易說三卷崔紫微敦詩誌其墓

國朝



張洪字宗海沙溪人姓侯氏父常遊燕不歸  
洪爲邑人張炯所鞠遂因其姓十歲能  
書詩既壯爲其隣所累戍雲南總戎知  
學行加異待時木邦刁干孟逐其主思  
法

高皇帝命三司相度以聞布按二司皆以爲  
置之待其自敝都司以問洪洪言思倫  
歸順有急不救無恩有亂不治無威令  
下叛亂可納則納可分則分時不可失

朝廷用其議擒刁干孟誅之而立其子納  
思倫法于麓川洪武三十三年以明經除  
靖江王府教授永樂初陞行人奉使日本  
國二年脩茶馬舊政於番界時緬甸宣慰  
那羅塔殺孟養宣慰刁木旦併其地代納  
其職貢銀 命洪賚 詔責還其地立孟  
養後那羅塔不服凡六往返始聽 命那  
羅塔欲毒之不果與其使陶孟洛霞復  
命時交趾未定事遂寢以薦入文淵閣與



脩永樂大典充副總裁官書成命主安樂堂餼恤事尋陞本司右司副洪熙改元進翰林脩撰贈其養父如其官脩

太宗

仁宗兩朝實錄宣德初乞致仕大學士楊士奇重其文學欲進其官以留之洪辭焉以病請 詔允之有白金彩段襲衣之賜洪有高才其詞敷腴典則不事藻刻而理自勝在翰林時文武 誥勅多出其手既歸學

益力博綜羣經會粹折衷羽翼諸儒所未及一時為經學者莫先焉所著有四書解義周易會通尚書補傳詩經正義春秋說約禮記總類又有歷代詩選史記要語續文章軌範琴川新志攬轡集南夷書日本補遺志清溪集翰林類藁學選詩和陶詩小學翼贊詩共若干卷其書多散逸號止庵成化中與吳訥列祀子游祠

周木字近仁總角有高識居小學或問讀書



奚爲曰爲事君人皆異之既壯舉于鄉明年舉進士游心理性欲以學自名其於詞藻之業擯不置思觀政于工部奉命如河南爲伊悼王營葬還朝授南京行人司左司副司事清簡益務探索王端毅公恕時典留務雅知木始有進木意居久之吏部推任尚寶司卿不果用明年王適秉銓於是奏用木爲稽勲司郎中

憲廟賓天預修本部實錄成有白金文綺之

賜命清文職點黃時

懿祖

祧祭木奏言禮莫大於祭祭莫重於

祧凡廟之祭哀與樂平祧廟之祭則遷祖宗既成之主離合享久安之廟而入獨居不享之室比之常祭殆樂少而哀過然祭以肅敬爲本今祭涓晨與視朝時刻相連前禮甫畢後禮繼行雖有強力之容恐肅敬之心未免倦怠而不專不專則無誠意何以爲交神之本伏乞特降綸音免



朝庶乎

君臣上下精一其心以供祀事己酉歲奉

命持節如湖廣冊封 岷王會災異有

詔求言木上䟽論王者以民爲天書曰天  
視自我民視天聽自我民聽民雖微其視  
聽與天爲表天之變於上由民之不安於  
下何者民之所愛者莫如財所惜者莫如  
力江南之民困於財江北之民困於力今  
則賦之重者或兼兩公役役之繁者或兼

苦於賦此天下之極弊不啻救焚拯溺而  
不可緩也請 勅戶禮兵工四部將天下  
諸司大小賦役自洪武正額添置者逐一  
條出可因者因可革者革務在公私兩便  
因者必杜其請益之門革者必絕其復開  
之路并行淞江等布政司南北直隸等處  
巡撫巡按官各條所屬地方一應大小賦  
役凡有在外添置而不申部宜查出因革  
廢置 時禮部灾下尚書耿裕 等于



獄木言禮部職司

天子禮樂且尤賓禮四夷 朝貢往來各有常  
典煨燼之餘文獻無證將啓釁端今首罹  
于火事豈偶然未可專咎于人而不知所  
警也今之尚書等官乃股肱大臣

皇上所當改容而禮貌者設有  
大罪尤當徐議而緩處之寧使廢退而不可使刑辱也臣  
於耿裕等未惜其他但知位列大臣國體  
攸繫頃緣失火荐荷優容繼求罷免今者

復置于獄臣恐群情不知有識之士皆為  
寒心耳木在郎署恪謹供職繼言時事識  
者重其知體遷淞江布政司右叅政水康  
民有訟府縣畏其豪日久不敢竟木至而  
決之且治其黨數百人理杭州前後二衛  
戎籍發其隱漏而辨其枉抑人稱其明杭  
俗葬用水火木惡之下令以戒立義冢于  
三山予民葬木政尚體要以興化正俗為  
首務有所建立風采動物時同省兩叅官



周姓別木爲新叅相戒不敢犯作道南書院以處孔氏之裔修岳武穆墓復其墓曰召其孫宇之闢候潮鳳山門路以便行者廷議推爲河南右布政使不果遷木自信厚高自標榜已積爲衆所忌而其所論建漸廣不能與同官爲順承坐是與察官不相能遂謀以傾木詔許致其事既去位論者欲爲木直之而惜其用之弗究也自宋季迨元吳以僭割偏安理教不競士惟

治文詞事綺靡鮮以理學爲務

明興吳文恪訥出厭末習病名教於是究心理要闡發正義其學自小學入字析章解寧爲切近而無深於隱奧所得粹然鄉邑尊之木自後出益振起之嘗讀近思錄而悟爲學之要大學自經朱子定著諸儒尤有紛更木以已見緒正不爲苟同晚尤好易於陰陽之消長象數之該攝嘗致力焉所畫諸圖因義文邵子之所命者而衍之縱



橫變置不害其爲自得其於洪範之所陳  
配合皆有倫類木厚自韜抑凡其所著迨  
久而未行木於親孝母不逮養乃數厚其  
家與弟彬友愛尤篤於族人計口而給歲  
費甚廣而其家廩無贏積也冠婚喪祭禮  
廢已久木考古以行于家尤敦重鄉德先  
賢仲雍子游吳訥張洪祠事皆自木發之  
其書有易心逸說若干卷文集奏疏共若  
干卷詞義高簡善古隸年七十有二號勉

思學者稱勉思先生

論曰儒者之學貴於適用纂箋釋談名理  
皆儒之資也洪居編伍建平夷之策使絕  
域折暴虜之氣木在郎署言廟朝之體  
叅藩省首風化之政其才亦畧見於用與  
儒之拘陋者異矣洪之於經信有功書多  
散逸而將亡木之書幸無恙而不勝乎媚  
者之衆然則儒之顯行信有時哉

陳九疇字公範弱冠即厭科舉習有志於性



理之學探索隱奧欲發先儒所未及嘗讀  
周子通書疑其倫次無統因其遺文九篇  
之語遂以其意定著為九篇篇有解以程  
氏之學莫大於求仁述求仁至言其說多  
有所自得嘗有用世志時憫東南數被水  
患而白茆廢不治為述水利事宜一書以  
告用事者而人不能用也九疇於象緯占  
候方技之學無所不窺嘗與邑人錢世恒  
入郡泊干斤下命亟移舟錢問故曰此有

火厄頃而火作延藝池舟有史漢學校  
甚精能誦之終篇集若干卷號悅齋居士  
陳喆字成夫文村人隱居好學家貧無書常  
入書肆耽翫過日即記時跨黃犢牧于田  
間挾書以讀治春秋學折衷諸儒之說而  
會粹之名曰集解學者推其專喆有高行  
其取舍必以義務自韜晦不干流俗之譽  
集解今行于世所著有北遊紀行雪崖集  
居官一覽藏於家號雪崖居士子易別有



傳

湯洪字宗範嗜學至廢寢食汎涉諸經治書  
尤精與邑儒講難衆不能屈爲提學彭御  
史勗所知彭論南上經學以洪爲首晚舉  
鄉薦授江山縣學訓導陞祁州學正仕不  
得意遂棄去家窶甚劬書得目眚吳士劉  
欽謨以學自雄人莫與抗一日聽洪講歛  
衽嘆服遂巡避去博覽強記人以書厨目之

常孰縣志卷之八



程